



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Vacatione, Amissione, Et Extinctione Beneficiorvm ...

Leuren, Peter

Coloniæ Agrippinæ, 1704

298. An beneficia unita, extincta, vel suppressa, vel carentia redditibus resignari possint.

[urn:nbn:de:hbz:466:1-74494](https://nbn-resolving.org/urn:nbn:de:hbz:466:1-74494)

Questio 298. An beneficia unita, exstincta, vel suppressa, vel carentia redditibus resignari possint?

Respondeo ad primum primò: beneficia unita nec resignari in favorem, nec permutari possunt, antequam unio sortita suum effectum, v. g. beneficium Titii est unitum meo beneficio, vel monasterio alicui, aut Collegio vel Seminario, ut post mortem Titii hæc unio fortiatu suam effectum, Titius illud beneficium resignare non potest in alicujus favorem, aut permutare cum alterius beneficio. Pirh. ad tit. de renunc. n. 15. Chok. de permut. p. 2. c. 8. n. 1. Azor. p. 2. l. 7. c. 25. q. 8. Parit. l. 2. q. 9. n. 1. & 2. citans Felin. in c. nostra. de rescript. n. 23. Feder. de Senis. de permut. benef. q. 33. Garc. p. 11. c. 4. n. 27. citans Bellam. de permut. benef. p. 3. q. 7. dicentem in hoc concordare omnes. Oldr. conf. 257. à n. 20. Pavin. de por. cap. sed. vac. q. 9. p. 2. n. 18. Zerol. in pr. Ep. p. 1. v. unio. §. 7. Hojed. Rebuff. &c. modò tamen unio sit legitimè facta, ità ut de jure teneat, & modò unio ipsa tota permutationem & resignationem præcedat, ut Garc. loc. cit. Constat responsio ex Trid. sess. 21. c. 5. ubi in fine dicitur: uniones non possunt revocari, nec quoquo modo infringi, etiam ex causa resignationis &c. & sess. 23. c. 18. ubi: nec per resignationem ipsorum beneficiorum uniones & applicationes suspendi, vel ullo modo impediri possunt &c. jam verò si valida esset talis resignatio vel permutatio, omnino tolleretur unio, cum unus resignare posset beneficium alteri, & ille rursus alii, ut nunquam locus esset unioni. Parit. loc. cit. n. 5. Pirh. loc. cit. atque hoc ipsum directè esset contra conditionem factæ unionis, cum hæc facta sit, ut habeat locum, quamprimum beneficium vacaverit per cessum vel decessum, quæ verba non capiunt renunciationem illius in favorem, sed tantum resignationem simplicem & mortem. Parit. loc. cit. nu. 12. citans Cassad. decis. 3. de renunc. &c. Deinde per unionem factam Collegio, monasterio vel beneficio meo est jus quæsitum collegio, monasterio, mihi ad beneficium Titii; quod jus auferri monasterio vel mihi non potest per resignationem. Pirh. loc. cit. Et sic non magis beneficium unitum transferri potest in alium per renunciationem, quam subiecta restitutioni alienari. Parit. n. 5. Pirh. cit. n. 15.

2. Proceditque responsio, etiam si resignatio in favorem vel permutatio hæc facta coram Papa (subintellige non facta mentione unionis) effectus enim unionis in hoc casu non tollitur per Papæ provisionem subsequentem, ne unio evadat inutilis per frequentes & plures similes provisiones & permutationes, juxta dicta. Garc. loc. cit. n. 28. citans Bellam. ubi antè. q. 9. nu. 11. Zerol. Azor. ubi antè. Rebuff. in pr. tit. de unionis revocatione. nu. 32. Et sic invalida erit talis resignatio & permutatio; tum quia gratia est subreptitiè obtenta ob tacitam veritatem, quæ exprimi debebat; tum, quia verosimile non est, Papam voluisse tollere & impedire effectum unionis; cum non solet concedere literas præjudiciales alteri; nisi id exprimat; præsertim, cum unio beneficiorum non fiat, nisi ob necessitatem vel utilitatem Ecclesiarum. Parit. à nu. 14. & ex eo Pirh. loc. cit. Quòd si tamen permutatio vel resignatio in favorem facta esset coram Papa cum narrativa unionis, Papa admittendo resignationem, & conferendo beneficium ei, in cuius favorem resignatum cum clausula: & non alias,

suspendere videtur, (prout potest ob plenissimam, quam in omnia beneficia habet, potestatem, & prout solet in resignationibus & permutationibus dari suspensio unionum, suppressionum, & aliarum gratiarum, juxta Garc. loc. post. citand. citantem pro hoc Mandol. de signat. gratia. tit. de resig. vers. datur resignatio &c.) pro illa vice, & prorogare seu differre effectum unionis (etiam si, ut ait Garc. non sit derogatum regulæ de jure quæsitio.) Chok. loc. cit. n. 6. & 7. Parit. n. 8. Pirh. loc. cit. Garc. n. 29. citans Gonz. gl. 5. §. 7. nu. 137. Azor. p. 2. l. 7. c. 25. q. 8. Zechum &c. C. Luca. de benef. d. 7. nu. 2. Tond. qq. benef. p. 3. c. 156. n. 7. Lott. l. 1. q. 28. n. 172. ubi Rector beneficii passim admittitur ad resignandum cum clausula suspensiva unionis, quæ nusquam deleri consuevit. Ratio hujus est, quòd per hoc nullum considerabile præjudiciū fiat illi personæ aut Ecclesie, cui unitum est beneficium Parit. n. 9. & ex eo Pirh. ed. quòd contingere possit, ut resignatarius prius moriatur quam resignans, & ità unio citius consequatur suum effectum. Parit. Pirh. Tond. C. Luc. Lott. ubi cit. qui posterior illud reflexè monet n. 173. super hoc maximam adhibendam diligentiam; ne dicta clausula suspensiva unionis omittatur, cum sine ea purificetur unio per mortem resignantis, neque per ipsam resignationem, cum clausula consuetæ apponi in unionibus: cum primum per cessum &c. intelligatur de cessione libera & pura, non autem de resignatione in favorem. Quòd verò clausula implicet sufficientem expressionem unionis factæ, & sufficere, quòd sit inserta inter clausulas & decreta generalia apposita in supplicatione, ait nu. 175. & 176.

3. Porro dum resignatio in favorem & permutationis gratià facta omisâ mentione unionis non valet, mox vacat beneficium, & locum habet seu subintrat unio, quoties resignans sciens unionem, non fecit de ea mentionem, cum enim tunc scienter nulliter resignavit, amittit jus sui titulum beneficii per resignationem. Pirh. loc. cit. Garc. n. 36. ex Parit. nu. 21. Secus est, seu resignantes vel permutantes redire possunt ad sua beneficia, & unio pro tunc non habebit locum, sed expectanda erit vacatio libera, si ignoranter omisâ mentio unionis, ed. quòd ignoraretur unitum. Parit. n. 20. Garc. cit. n. 36. citans pro hac distinctione Cassad. decis. unic. de rer. permut. n. 2. & expressè dicens, idem esse de resignato unito sic ignoranter coram Ordinario. Cui contrarius esse non videtur Parit. dum n. 22. ait: Si autem quis renunciaret beneficium unitum coram Ordinario, teneo subintrare unionem, & per consequens Ordinarium non posse conferre illud beneficium; unio namque sortitur effectum per cessum vel decessum, & sic in casu mortis & resignationis simplicis, & nu. 27. addit. Idem erit dicendum in resignatione simplice coram Papa facta, quòd nimirum intret unio &c. subintelligi enim ab eo videtur; si quis scienter fecerit, & quòd per resignationem simplicem validam vel scienter factam nulliter unio fortiatu suum effectum.

4. Respondeo ad primum secundò: hæc procedere in unione de certo beneficio facta, per quam acquiritur jus ad tale beneficium, sicut per reservationem de certo aliquo beneficio factam: Et contra locum non habere, dum unio facta, vel potius faciendâ v. g. de primo vacaturo, ità ut unio hæc non capiat beneficium resignatum ex causa permutationis vel in favorem, sed illud permutantibus

tantibus vel resignatario sit conferendum, non secus ac in reservatione de primo vacaturo, non includuntur vacatura per resignationem permutationis gratia factam. Garc. loc. cit. n. 37. & 38. Paris. l. 10. n. 18.

5. Respondeo ad primum tertio: hæc procedere in unione de beneficio, vel beneficiis certis simpliciter & absolute facta; non verò dum unio facta de beneficiis etiam certis, vacaturis per cessum vel decessum, & sic restricta ad illos modos vacandi, ita ut hæc beneficia adhuc resignari possint in favorem & permutari, cum, si sic resignentur, non vacent per cessum (utpote qui solam resignationem simplicem sonat) nec per decessum, adeoque non intret unio, tradit Paris. loc. cit. q. 4. n. 38. citans Rot. in Conchen, præstimonii, de mense Octob. 1542. teste Put. decis. 357. l. 1. Item l. 2. q. 9. n. 12. citans Cassad. decis. 3. de renunc. Item l. 2. q. 19. n. 7. Quod idem, quamvis dicat Garc. loc. cit. n. 39. citans pro hoc insuper Mand. de signat. gratia. tit. de regressib. vers. notand. est. Mohed. decis. ult. de renunc. &c. subjungit tamen n. 41. dicendum nihilominus esse, non valere talium beneficiorum resignationem in favorem, seu ex causa permutationis, nisi facta mentione & suspensione dictæ unionis, pro quo citat Rebuff. in pr. tit. de union. revoc. n. 32. & præcipue Rotam in Eugubini. benef. 10. decemb. 1590. quam decisionem ad fûsum recitat n. 42. & addit n. 43. si talis resignatio in favorem, seu ex causa permutationis de beneficio unito per cessum vel decessum esset facta scienter, intrare statim unionem; citat pro hoc Rebuff. ubi ante n. 20. Aliam adhuc limitationem vide infra, ubi, quæ beneficia permutari non possint.

6. Respondeo ad primum quartò: Sed neque beneficia unita, postquam unio facta suum effectum, resignari possunt; cum per unionem extinguatur titulus & nomen beneficii, & non dicatur amplius beneficium, nec censetur beneficium separatum, sed sub titulo beneficii; cui facta unio, sit confusum. Garc. loc. cit. n. 24. citans Ferret. conf. 255. n. 9. nec per se imperrari potest tale beneficium, etiam à Papa, nisi narrata unione. Garc. ibid. citans Hojed. de incompat. p. 2. c. 3. n. 12. neque etiam valet permutatio de tali. Garc. ibid. citans Sarn. ad reg. de infirm. q. 15. & Bellam. p. 3. q. 7. in fine. ubi: quòd de suppressio est indubitatum, permutari non posse; quia illud, quod non est, permutari non potest; nisi suppressio venisset post renunciationem. Item Gonz. gl. 5. §. 7. n. 11. 14. & 22. Azor. p. 2. l. 7. c. 29. q. 7. licet subjungat Garc. nu. 25. ex Bonifac. in clem. 1. de ver. permut. in fine. Quòd beneficium unitum v. g. capitulo permutari possit cum beneficio Titii, ita ut hoc uniatur capitulo, & illud conferatur Titio: cui ipse consentit, dicens fieri dissoluta unione ex causa utilitatis vel necessitatis id Ecclesie. Quinimo addit n. 26. etiam beneficia unita videntur posse permutari inter se. citat pro hoc c. cum venerabilis, de except. & Coraf. de benef. p. 1. c. 9. n. 1.

7. Respondeo ad secundum: beneficium extinguitur & suppressum, quæ non vacant, ut sunt Canonici & præbendæ in Ecclesia non numeratæ, resignari quoque in favorem; tradit Paris. l. 2. q. 13. n. 1. citans Gemin. in c. licet. de ver. permut. in 6. n. 24. Item posse ea permutari ibidem tradit Paris. n. 2. citans Gamb. in cit. c. licet. n. 91. ex rationibus ibi allegatis contra Bellam. de permut. benef. p. 2. q. 1. n. 8.

P. Leuren, Fori Benef. Tom. III,

8. Respondeo ad tertium: beneficia sine redditibus, sive carentia redditibus resignari possunt, etiam in favorem. Paris. l. 2. q. 8. nu. 2. dicens sic resolutum à Rota in Taracon. de mense Jun. 1530.

Questio 299. An beneficia commendata possint resignari?

1. Respondeo primò: Beneficia in commendam temporalem data ob utilitatem Ecclesie, donec ei provisum de Rectore, etsi dimitti & resignari possint in manibus Superioris (licet enim tunc resignans nullo jure & titulo se abdicet; cum nullum habeat; deponit tamen administrationem, quam habet. Paris. l. 2. q. 17. nu. 7. Pirh. ad cit. de renunc. n. 16. citans Azor. p. 2. l. 7. c. 25. q. 20.) in favorem tamen resignari vel permutari non possunt; quia commendatarius jus nullum habet seu titulum in tali beneficio; sed solam administrationem, AA. iidem. Paris. n. 2. & 3. plura de hoc postremo ex professo infra, ubi de permutatione beneficii cum non beneficio.

2. Respondeo secundò: data tamen in commendam perpetuam, hoc est, ad vitam commendatarii, seu commendæ perpetuæ resignari etiam in favorem possunt; quia commendatarius consequitur, & habet in illo beneficio verum jus ac titulum, non secus ac si ipsi simpliciter collatum esset. Paris. loc. cit. n. 9. & 10. Pirh. & Azor. l. cit. cum communi.

Questio 300. An beneficium, super quo reservatus est alteri regressus, possit resignari?

Respondeo: Si reservatus est regressus cum clausula, per cessum etiam in favorem vel decessum, resignari non potest in favorem; quia eo cedente in favorem, intrat regressus. Paris. l. 2. q. 18. n. 1. citans Mand. in pr. signat. gratia. vers. regressus. Caputaq. decis. 215. p. 1. in principio &c. Per quod ipsum indicare satis videtur Paris. secus esse, si regressus reservatus simpliciter cum clausula, per cessum vel decessum. Nihilominus Barb. juris Eccl. l. 3. c. 15. nu. 146. Simpliciter negat posse reservari in favorem beneficium, in quo alii fuit reservatus regressus. citat Vivian. de jure patr. l. 13. 10. c. n. 38. &c. Quòd si tamen etiam habens regressum cum dicta clausula; per cessum etiam in favorem: præstaret suum consensum, & suspenderet regressum pro illa vice ad effectum, ut beneficiatus posset resignare beneficium, super quo reservatus regressus in favorem sui, posse illud resignari in favorem, asserit Paris. ibid. num. 2. Si autem in hoc casu resignatio aliunde foret nulla ex causa aliqua, non censeri durare consensum habentis regressum, & consequenter, cum existente resignatione nulla, jus non censetur abdicatum à resignante, si is moretur, vel contraheret matrimonium, intrare regressum & consensum prædictum prælitum super actu nullo ei non præjudicare.

Questio 301. An beneficia, quorum, dum vacant, conferendorum indultum speciale habet aliquis v. g. S. R. E. Cardinales, resignari possint?

1. Respondeo primò in genere: Considerandum, sub qua forma seu sub quibus clausulis istiusmodi indultum concessum. Unde

2. Respondeo secundò in specie primò: dum concessum v. g. Cardinalibus indultum, ut cõferre possint beneficia,

N 3

benef.